



07.05.2023

UPA2023/63

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Inuit innarluutillit tapersorneqarnissaannut Inatsisartut Inatsisaata allanngortinneqarnissaa siunertaralugu, Naalakkersuisut Inatsisartut Inatsisaannik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut. Inatsimmik allanngortitsinermi angajoqqaat, angajoqqaatut sinniisut ilaqutariillu namminerisaminnik ikiorseqarnissamut pisinnaatitaanerat §8-mi allassimasunngortinneqassaaq. Inatsisartut Inatsisissaattut siunnersuut kingusinnerpaamik UPA2024-mi saqqummiunneqassaaq.

(Inatsisartunut ilaasortaq Agathe Fontain, Inuit Ataqtigiit)

Siumuminngaaniit Inatsisartunut ilaasortaq Agathe Fontain, Inuit Ataqtigiit siunnersuutaanut imaattumik oqaaseqassaagut.

Siumuminngaaniit pingaartitarivarput inuit innarluutillit pisinnaatitaaffiinik inerisaajuarnissaaq, kiisalu inatsisinik atorfissaqartitsineq aallaavigalugu nutarteriuartarnissaaq. Nunatsinnimi inuit innarluutillit sapinngisamik suleqatigiinneq pitsaasoq atorlugu suleqataanissarput inerisaaqataafferusukkatsigu.

Siumuminngaaniit paasinnittuarpugut siunnersuuteqartup oqariartuutaanut. Kalaallit nutsinni innarluutillit atugarisaat ilaqutariinnut imaannaangitsumik oqimaassinnaasumillu atugassaqarfusinnaasut siumuminngaaniit ilisimaarivarput.

Inuit tarnikkut napparsimasut nunatsinni malunnartumik amerliartorput, kalaallit nunatsinnimi illoqarfiit nunaqarfiillu siammasissumik inuuffigineqarmata tamakkiisumillu nakorsanik kiisalu aamma inulerisunik tarnikkut katsorsaasinnaasunik amigaateqartuaratta oqitsorsiortoqartanngitsoq ilisimaarivarput. Siumuminngaaniit ilisimaarivarput peqqinnissaqarfimmi arlallit tarnimikkut napparsimallutik inissineqartartut innartineqartartut ajoraluartumillu aamma amerliartortuusut. Paasisammi kingullit aamma paasinarsisippaat ukiuni aggersuni aamma suli amerliartortussaasut. Taamaammat Siumuminngaaniit siunissaaq ungasinnerusoq piareersaaffiguarnissaanut inatsisigullu allannguinissatsinnut tamakkiisumik suleqataarusuppugut.

Siunnersuuteqartup inatsisartuni ilaasortap Agathe Fontain, Inuit Ataqtigiit-neersup angajoqqaat, angajoqqaatut sinniisut ilaqutariillu namminerisaminnik ikiorseqarnissamut pisinnaatitaanerat tassa annertunerusumik tarnikkut oqamaattorsionermikkut ikorfartorneqarsinnaanngornissaannik periarfissaqalernissaat inatsimmi ilassuteqarnikkut uani pineqarsinnaa, §8-mi allassimasoqalernissaanik siunnersuuteqarnera Siumuminngaaniit paasilluarparput.

Siunnersuuteqartummi siunnersuutiminik erseqqissaramiuk aatsaat inatsisikkut allannguisoqaneratigut angajoqqaat imaluunniit akisussaasuusut meeqqamut tarnimikkut sanngiiffigisaminnik atorfissaqartitsinerminnik ikiorserneqarsinnaanngussasut.



Taamatut Siumuminngaaniit oqaaseqarluta Naalakkersuisut allannguutissatut siunnersuutaat taperserlugu ataatsimiititaliamut susassaqartumut ingerlateqinneqarnissaa kissaatigivarput ataatsimiititaliamilu sulilluartoqarnissaani kissaassilluta.

Mala Høy Kúko, Siumut